

erit causa litis, querimoniarum aut belli, sed omnes tanquam in aureo seculo pace fruuntur ex æquo, cumque illud sit iustitiarum, quæ legibus propugnatur, hinc constat per leges pacem, qua nihil præstantius aut vtilius est humano generi, foueri, Themincoli, Eryn excludi, & vberimum copiarum cornu ministrari: Vnde non sine causa fingunt Poetarum, Themincœli & terrarum filiam, Saturni sororem, Iouis amatam, magnam laudem & summos honores propter Iustitiarum singularem administrationem meruisse: Æquitatem enim seruandam præcepit inter mortales, quæ gratæ Diis essent virtutes & ad vinculum societatis humanæ conseruandum maxime accommodata: Propterea ex æquo & recto viuendum, à violentia, iniuriis & rapto abstinendum, vnumquemque sua sorte contentum esse debere inculcabat: Id tantum à Diis petendum (vt notat Festus) quod fas esset & honestum, petitionem alioquin iure reiiciendam. Præterea dicebat, Deum illum summum de super in terras intueri quæcunque ab hominibus gererentur, siue bene siue male, & se-

cun-